



武
22
29





訂唐王壽先生外臺秘要方第二十九卷目錄

墜墮金瘡等四十七門

從高墮下方三首

從高墮下瘀血及折傷內損方一十八首

墜損方三首

墜落車馬方六首

折骨方三首

傷筋方三首

筋骨俱傷方七首

折腕方一首

折腕瘀血方四首



蹉跌方三首

被打有瘀血方一十三首

被打損青腫方七首

許仁則療吐血及墮損方三首

金瘡禁忌序一首

金瘡預備膏散方三首

金瘡方一十一首

金瘡續筋骨方三首

金瘡止痛方五首

金瘡生肌方四首

金瘡去血多虛竭內補方二首

金瘡中風方八首

諸瘡中風寒水露方五首

被刀箭傷方一十一首

竹木刺不出方一十六首

狐尿刺方二首

狐刺方五首

惡刺方三首

灸瘡方四首

灸瘡膿不差方三首

火燒瘡及火油天火瘡方三首

火灼爛壞方五首

湯火所灼未成瘡及已成瘡方一十一首

湯火瘡無問大小方四首

湯火爛瘡方五首

湯煎膏火所燒方四首

漆瘡方二十七首

侵淫瘡方七首

月蝕瘡方一十二首

代指方一十一首

甲疽方五首

肉刺方二首

手足皸裂方五首

手足逆臚及疥壞方二首

疣目方一十九首

去黑子方二首

疣贅疵黑子雜療方六首

滅癩痕方一十七首

唐王燾先生外臺秘要方第二十九卷

宋朝散大夫守光祿卿直秘閣判登聞鼓院上護軍臣林億等

上進

新安後學程衍道敬通父訂梓

從高墮下方三首

千金療丈夫從高墮下傷五藏微者唾血甚者吐血及金瘡傷絕崩中皆主之方

阿膠 炙

乾薑

各二兩

艾葉

芍藥

各三兩

右四味切以水八升煮取三升去滓入膠令消分二服
羸人三服女人產後崩中傷下血過多虛喘腹中絞痛

下血不止服之悉愈

又療從高墮下瀉血及女人崩中方

當歸 一分 大黃 一分

右二味搗為散酒服方寸匕日三抱汪同並出第三十卷中

千金翼膠艾湯主男子傷絕或從高墮下傷五藏微者唾血甚者吐血及金瘡經內絕者方

阿膠 炙 艾葉 芍藥 乾地黄 各三兩

乾薑 當歸 甘草 炙 芎藭 各二兩

右八味切以水八升煮取三升去滓內膠令烊分再服
麻人三服此湯正主婦人產後崩中傷下血多虛喘欲

死腹痛下血不止者服之良出第十九卷中
忌海藻松菜蕪菜

從高墮下瘀血及折傷內損方一十八首

療 廣濟療從高墮下內損瘀血消血散方

蒲黃 十分 當歸 乾薑 桂心 各八分

宋在重下 大黃 十二分 蜚蠊 四分去足起熬

右六味搗為散空腹以酒服方寸匕日再漸漸加至一
七半馬生慈猪大肉出第四卷中

肘後療卒從高墮下瘀血脹心面青短氣欲死方

取胡粉一錢七以水服之備急文仲同

又方

煮大豆或小豆令熟飲汁數升和酒服之彌佳千金
文補同一云大豆二升煮令熟取汁二升去豆以醇
酒六七升和飲之一日飲盡小豆亦佳厚

又方

生乾地黄二兩熬末以酒服之

又方

生地黄搗取汁服一升或二升尤佳

又方

烏鴉翅翅羽二七枚燒末酒和服之即當吐血也如得
左羽尤佳

通按
左翅
題

又療從高墮下若為重物所頓竿得瘀血方

豆豉三升沸湯二升漬之食頃絞去滓內蒲黃三合授中
攪調頓服之不過三四服神良刪繁小品文仲備急
集驗千金同

又方

烏梅五升去核以飴糖五升煮稍稍食之自消文仲
備急
千金同

又方

取茅連根葉搗絞取汁一二升服之不過三四服愈
冬用根

又方

刮琥珀屑酒服方寸匕取蒲黃二三匕日四五服良

又方

末鹿角酒服三方寸匕日三千金同

又方

取敗蒲薦燒灰以酒服方寸匕並出第三卷中

深師療從高墮下傷內血在腹聚不出療下血方

取好大黃二兩 桃人三十枚去尖皮兩人者

右二味搗以水五升煮取三升分爲三服去血後作地

黃酒服隨能服多少益血過百日成微堅者不可復下

之虛極殺人也

又療墮落瘀血桃枝湯方

桃核承氣
加味也

桃枝一握中指長剉 芒硝五分 大黃四兩 當歸

甘草炙 桂心各二兩 蜜蟲二十枚去翅足熬

水蛭二十枚熬 桃人五十枚去尖皮熬 翅

右九味咬咀以水八升煮取三升去滓温分三服內消

又療墮落積瘀血消血理中膏方忌海藻菘菜生葱等

大黃二兩 猪脂二斤 桂心一兩宋缺 乾薑一兩

當歸二兩 通草 亂髮各一兩

右七味切以膏煎髮令消盡檮藥下篩須令絕細下膏

置地內諸藥攪勻微火煎之三上三下即藥成去滓以

好酒服一兩日二服一方不去滓並出第二十六卷中是生子膏亦佳

千金療從高墮下及被木石所逐或因落馬凡是傷損血
瘀凝積氣急欲絕無不療方

淨土五升蒸之令極熱分半以故布數重裹之熨病
上勿令大熱恐破肉候冷即易之以痛止即已但有
損傷並以此法療之神効已死不能言者亦活三十
年亦差

又療從高墮下損有瘀血方

蒲黃 八兩 附子 一兩炮去皮末

右二味為散以酒服五六錢七日三不知增之並出第
二十六卷中

近効土質汗折傷內損有瘀血每天陰則疼痛兼療產

婦產後諸疾神効方開寶本草云質汗主金瘡傷折瘀血
內損補筋消惡血下血婦人產後諸

血並酒消服之亦勳病處出西蕃如凝血蓄人煎甘草松
淚榨乳地黃並熱血成之今以益母成煎故謂之土質汗也
三月採益母草一重一各夏枯草

右一味揀擇去諸雜草及乾葉以新水淨洗於箔上攤

曬令水盡則用手揆斷可長五寸勿用刀切即置鑊中

量水兩石以深草三二寸則縱火煎候益母草糜爛

水又減耗三分減二分以上則鹿去草取五六斗汁瀉入盆中澄之半日

以綿濾取清汁盆中滓澱並盡弃之其清汁於小釜中
慢火煎取一斗以如稀餲每取梨許大煖酒和服之日再

通考
換音
折也

服和羹粥喫並得如遠行不能將稀煎去即更鍊令稠硬停作小丸服之七日內則疼痛漸瘳二七日平復或有產婦惡露不盡及血運一兩服即差其藥兼療風益心力無所忌鄭長史處吏部李郎中服之得力

墜損方三首

廣濟療墜損骨肉苦疼痛不可忍方

故馬羶兩段其羶欲得故臙者於鑊中以酒五六升著一抄鹽煮令熱即內羶於鑊中看羶熱便用裹所損處冷即易之勿令久熱傷肉如是三五遍痛定即止仍服止痛藥散即漸差

又療男子虛勞墜傷內損吐血不止欲死面目黑如漆者悉主之方

黃耆

芎藭

當歸

芍藥

各三兩

甘草

三兩

生薑

八兩

右六味切以水九升煮取二升五合去滓分溫三服服別相去六七里血出第四卷中不利忌生冷海藻菘菜猪魚

近効療墜損方

生地黃一斤分為三分

右每服取一分熬令焦黃以酒半升煎一兩沸絞去滓令溫煖得所食前日三無所忌馬墜亦療之

墜落車馬方六首

肘後療忽落馬墜車及墜屋坑崖腕傷身體頭面四肢內外切痛煩躁叫喚不得卧方

急覓鼠矢無問多少燒搗末以猪膏和塗封痛處急

裹之仍取好大黃如雞子大以亂髮髮上如鴨子大

以人所裁白越布衫領中間餘布以裹髮外乃令火

燒烟斷搗末屑薄以酒服日再三無越布餘布可強

用常當預備此物為要備急集驗古今錄驗同出第三卷中

千金療凡人墜落車馬心腹積血唾吐血無數方

乾藕根末酒服方寸七日三如無取新者搗取汁服

之尤妙林禁口味物

又療墜馬及樹崩淤血腹滿短氣方

大豆五升水一斗煮得二升半去豆頓服劇者不過

三服並出第二十六卷中

千金翼療落馬墜車及諸傷腕折臂脚疼痛不止方

黃耆 芍藥各三兩 乾地黄 當歸

附子炮 通草 續斷 桂心

乾薑各二兩 蜀椒一合 烏頭半兩

右十一味搗為散先食酒服五分七日三忌如常法方本有大黃一兩又云服方寸七出第十九卷中 猪肉冷水葱薑黃

救急療墜馬落車被打傷腕折臂呼喚痛聲不絕服此散呼喚之間不復大痛三日筋骨相連當歸散方

當歸熬令

桂心

甘草炙

蜀椒

汗各二分

芎藭六分

附子炮

澤蘭熬各一分

右七味搗為散酒服方寸匕日三小兒被奔車馬所損

裂其膝皮肉決見骨即絕死小蘇啼不可聽聞服之便

眠十數日便行走其神驗如此海藻菘菜生葱猪肉冷

近效療墜馬內損方

取盧藥一小兩搗為末牛乳一盞煎五六沸和服李

諫議云盧藥以羊肉津和服一日內不用喫菜極效

通按

盧首盧

盧菜生

胡似

乾

出第一卷中

盧藥見陳藏器本草

折骨方三首

肘後療凡脫折折骨諸瘡腫者慎不可當風卧濕及多自扇若中風則發瘕口噤殺人若已中此覺頸項強身中急束者急服此方

竹瀝飲三二升若口已噤者可以物拗開內之令下禁冷飲食及飲酒竹瀝卒燒難得多可合東十許枚併燒中央兩頭承其汁投之可活小品備急文仲古錄驗同出第三

卷中

千金療腕折骨痛不可忍方

外臺秘製

二十九卷

八

經餘

本草

取大麻根葉無問多少擣取汁飲一小升無生青者
以乾者煮取汁服亦主墮墜打槌瘀血心腹脹滿短
氣良出第二十六卷中

救急療骨折接令如故不限人畜也方

取鉛銹上柯骨切下母取末仍擣以絹篩和少酒服之亦可食
物和服之不過兩方寸七以來任意斟酌之出第九卷中

傷筋方三首

千金療被傷筋絕方

取蟹頭中腦及足中髓熬之內瘡中筋即續生

又方

擣葛根汁飲之葛白屑熬令黃敷瘡止血並出第二十六卷中

救急續斷筋方

取旋復草根淨洗去上擣量瘡大小取多少敷之日
一易之以差為度必効同出第九卷中

筋骨俱傷方七首

肘後療腕折四肢骨破碎及筋傷蹉跌方

爛擣生地黄熬之以裹折傷處以竹片夾裹之令遍
病上急縛勿令轉動一日可十易三日即差千金刪繁備急
文仲古今錄驗同

又方

通按
千金論
此方下
云若血
聚在折
處以刀
子破開
去血

通按
銹銹音
子也

取生栝樓根搗之以塗損上以重布裹之熱除痛止
備急同

又方

搗大豆末合猪膏和塗之乾即易之並出第三卷中

深師療折腕傷筋骨槐子膏方

槐子中人 秦艽 白木 續斷各一兩

桂心 六分 巴豆十枚去皮心熬 大附子一枚炮

右七味咬咀以醇苦酒漬槐子等一宿以成鍊猪脂二

斤於微火上煎三上三下候膏成絞去滓溫酒服棗子

許一枚日三并塗敷思生葱猪肉冷水蘆笋桃李雀肉

出第二十卷中

千金療四肢骨碎及傷筋蹉跌方

生地黄多少熟搗熬以裹傷骨處頻易古今錄驗同

又方

豉三升以水七升漬之絞去滓取汁飲止煩悶古今錄驗同

又方

乾地黄 當歸 獨活 苦參各二兩

右四味搗末以酒服方寸匕日三服並出第二十六卷中

折腕方一首

深師卓氏膏療折跌腕躋方

小經必要 二十九卷 經餘居

右七味搗為散先食以酒服方寸匕日三服忌海藻菘菜生葱燕薹

又方 大豆熬令黑 大黃各二兩 桂心 一兩

右三味搗為散分為三劑酒和服忌生葱又大黃一兩
生地黃三兩切熬以水酒二升煮取一升頓服之差也
二十六卷中

范汪蹉跌膏兼療金瘡方

當歸 續斷 附子去皮 細辛
甘草炙 通草 芎藭 白芷
牛膝各二兩 蜀椒二合

右十味咬咀以猪膏二斤煎以白芷色黃膏成絞去滓

日再以摩損處附第十卷中 急生菜猪肉冷水海藻菘菜等

被打有瘀血方一十三首

肘後療若為人所打舉身盡有瘀血方

刮青竹皮 二升 亂髮如雞子大 延胡索 二兩

右三味搗散以一合酒一升煎三沸頓服日三四備急

又療被打擊有瘀血在腹內久不消時時發動方

大黃 二兩 乾地黄 四兩

右二味搗散為丸以酒服三十九日再為散服亦妙備急

文傳小品范汪等同並出第三卷中

范汪療被打有瘀血方

大黃 二兩

桃人

去尖皮熬

蜚蠊

各二十枚

去足超熬

一枚

右三味搗蜜丸四九即內酒一升煎取七合服之

解急肺後

又方

薑葉

切一升

當歸

三兩

右二味為末以酒服方寸七日三並出第十卷中

備急若久血不除變成膿者宜此方

大黃 三兩

桃人

三十枚去皮尖兩人碎

右二味切以水五升煮取三升分三服當下膿血不盡

更作文傳附後同

又若久宿血在諸骨節及脅肋外不去者方

牡丹

蜚蠊

去足熬等分

右二味搗末以酒服方寸匕血化成水

急胡荽

小品文傳千金並真古今錄驗同

又方

大黃

如雞子一枚

蜚蠊矢

一合

右二味酒半升煮取三沸服之

又方

鐵一斤酒三升煮取一升服之又燒令赤投酒服之

通按一方無蜚蠊矢

外臺秘要

小品文付肘後同出第八卷中

千金療被打傷破腹中有瘀血方

蒲黃 一升 當歸 桂心 各二兩

右三味搗散以酒服方寸匕日三夜一不能酒飲服之

劉涓子方

又方

擣莨菪子末以敷瘡上

又凡有瘀血者其人喜忘不欲聞人聲胃中氣塞短氣方

甘草 一兩 茯苓 二兩 杏仁 五合 去皮尖碎

右三味切以水一斗煮取三升分爲三服范汪同 烏海藻松菜酢物

又被歐擊損傷聚血腹滿方

豉一升以水二升煮三沸去滓再服不差重服之用酒

同並出第二十六卷中

張文仲劉涓子療被打腹中瘀血白馬蹄散方

白馬蹄燒令烟斷擣末以酒服方寸匕日三夜一亦

療婦人瘀血消化爲水肘後備急千金同

被打損青腫方七首

千金療被打頭眼青腫方

用新熟羊肉敷之

又方

又被以下至許仁則論等諸落頁一葉

外臺秘要

二十九卷

二

經余居

大豆黃末和敷之

又方

牆上朽骨嚼於石上研糜塗之乾即易

又方

釜月下土細末塗之

又方

羊皮上卧之

又方

炙肥猪肉令熱搗上又炙猪肝貼之亦佳出第二十卷中

文仲療被打青腫方

以水磨桂塗之赤則以牆中朽骨磨塗之則平復也
梁都督侍中傳効也出第八卷中

許仁則療吐血及墮損方三首

許仁則論曰此病有兩種一者緣墮打損內傷而致此病一者緣積熱兼勞而有此病若內傷自須依前墮墜內損大便血等諸方救之若積熱累勞吐血狀更無餘候但覺心中悄悄似欲取吐背上煩熱便致此病宜依後雞蘇七味湯桑白皮八味散療之方

雞蘇 五兩 生地黄 切 青竹節 各一升 生薑

桑白皮 各六兩 小薊根 切六合 生葛根 切六合

右藥切以水九升煮取三升去滓分溫三服服別相去
如人行十里久若一劑得力欲重合服至四五劑尤佳
隔三四日服一劑如未定則宜合後桑白皮八味散服
之

桑白皮散方

桑根白皮

六兩

生薑屑

六兩

柏葉

雞蘇

各四兩

小薊根

五兩

乾地黄

七兩

青竹筴

一升

地菘

三兩

右藥搗散煮桑白皮飲和一方寸七日再服漸漸加至
二三七以竹瀝下亦得

又此病有兩種一者外損一者內傷自宜依內傷外損因墜打壓損或

手足肢節眩頭項傷折骨節痛不可忍覺內損者須依前
內損法服湯藥如不內損只傷肢節宜依後生地黄一味
薄薄之法及芥子蘇等摩之方

生地黄無問多少淨洗搗碎令爛熬之候水氣盡及
熟以薄折處冷即易之如骨蹉跌即依療折傷法縹
縹兼薄半腦生龜生鼠等法為有所損此不復載如
傷損處輕搗芥子和蘇以摩傷處若被打墜壓傷損
急卒雖不至昏悶腹內無覺觸然身之中相去非遠
外雖無狀內宜通利或慮損傷氣不散外雖備用諸
方腹內亦須資藥但不勞大湯如前內損欲死者服

湯取利欲用時間小小諸物服之。理應無嫌其法略出如後。小便酒煮生地黃。每始王木。緘木。梓葉。廬藥。拾葉。猪脂。及石蜜。白石地菘。延胡索。赤泥藥。以上十物並出下卷。吳昇同。

金瘡禁忌序一首

肘後允金瘡去血。其人若渴然每當忍之。常用乾食勿並肥脂之物。以止渴。慎勿鹹食。若多飲粥輩。則血溢。出殺人。不可救也。又忌嗔怒。大言笑。思想陰陽。行動作勞。勿多食酸鹹。飲酒熱羹。糲輩。皆使瘡痛腫發。甚者即死。瘡差後。猶爾出百日。半年乃稍復常耳。丘金瘡傷天竈。眉角。腦戶。臂裏。跳脉。

髀內陰股兩乳。上下心鳩尾。小腸及五藏六腑輪。此皆是死處。不可療也。又破腦出血。而不能言語。戴眼直視。咽中沸聲。口急。唾出。兩手安舉。亦皆死候。不可療。若腦出而無諸候者。可療。又瘡卒無汗者。中風也。瘡邊白出黃汁者。中水也。並欲作瘡候。可急療之。又痛不在瘡處者。傷經也。亦死之兆。又血出不可止。前赤後黑。或白。肌肉腐臭。寒冷堅急者。其瘡難愈。亦死也。並出第三卷中

金瘡預備膏散方三首

肘後瘡金瘡膏散三種。宜預備合。以防急疾之要。續斷膏方。

蜀續斷

蛇銜

防風

各三兩

右三味切以猪脂三斤於東向露竈煎之三下三上膏成去滓若深大瘡者但敷四邊未可使合若淺小瘡者但通敷便相連令止血住瘡亦可以酒服如杏子六

又治葛蛇銜膏方

蛇銜

薔薇根

續斷

治葛

各二兩

當歸

附子

各一兩半去皮

防風

黃芩

澤蘭

各一兩

松脂

柏脂

各三兩

右十一味咬咀以猪脂二斤煎之別以白芷一枚內中候色黃即膏成去滓濾以密器收貯之以塗瘡無問大

小皆差不生膿汁也

出第七卷中

深師預備金瘡散方

乾薑

甘草

炙

桂心

各一兩

當歸

三兩

芎藭

四兩

蜀椒

三兩汗

右六味搗散以酒服方寸匕日三服後同出第二十九卷中

忌海藻菘菜生葱

金瘡方一十一首

肘後療金瘡方

割留方一寸燒灰研以敷之

傳高

又方

杏人去皮尖搗如泥石灰等分以猪脂和之瀉足合

煎令杏仁黃絞去滓以塗瘡上日五六遍過愈

又方

燒故青布作灰敷瘡上裏縛之數日差可解去

又方

以蛇銜草搗敷之差

又方

狼牙草莖葉熟搗敷貼之一方熅草按敷之

又方

五月五日掘葛根暴乾搗末敷瘡上止血止痛

又方

釣樟根出江南刮取屑敷瘡上有神驗

又方

紫檀末以敷金瘡止痛止血生肌

又方

燒牡蠣末敷之佳凡裏縛瘡用故布帛不寬不急如

繫衣帶即好並出第七卷中

近効金瘡或壓損斷裂方

剝取新桑皮作線縫之又以新桑皮裏之以桑白汁

塗之極驗小瘡但以桑皮裏即差

又金瘡灸瘡火燒瘡等方

臘 如胡
蟬 挑人

杏子 一抄
爛搗

檳榔人 一
枚

薰陸香 半
合

右四味和搗以猪脂煎即以此藥塗帛上貼瘡此方甚
効

金瘡續筋骨方三首

千金 療金瘡粉散辟風水續筋骨止血方

石灰

地菘苗

細辛

旋復根

葛葉

猪膏

青蒿

麥門冬苗

益母苗 不限多
少切

右九味搗取汁和石灰作餅子暴乾末如粉以敷傷瘡

上止血止痛生肌五月五日合之神効 出第二十六卷中

必効 瘡被斫筋斷者續筋方

旋復根搗汁澀瘡中仍用滓封瘡上即封裹之十五

日即斷筋便續矣更不須開易 此方出蘇景仲家錄
奴用効出第四卷中

古今錄驗 療金瘡中筋骨續斷散方

續斷 五兩

乾地黄

蛇銜

地榆

杜蘅 各四兩

乾薑

蜀椒 汗

細辛

桂心 各一兩

當歸

芎藭

菴蓉

芍藥 各三兩

人參

甘草 炙

附子 炮去皮
各二兩

右十六味搗為散以酒飲和服方寸匕日三服忌海藻
菘菜生菜生葱猪肉冷水 一方無杜蘅有杜蘅
十四卷中 **蠟** 出第三

金瘡止痛方五首

范汪療金瘡內塞止痛地榆散方

地榆根 白欬各二分 附子一分 當歸四分

芍藥各三分

右七味搗散以酒飲服方寸七日三服忌猪肉冷水同前方

又金瘡內塞逐痛方

黃芩 當歸各三兩 甘草炙二兩 細辛

烏頭炮各二兩 乾薑一兩 白芷四兩

右七味搗篩以酒飲服一錢七日三可至二錢七忌同

前方生菜海藻菘菜猪肉冷水等

又金瘡止痛方

馬蹄燒灰三指撮以酒和服之並出第十九卷中

千金凡金瘡若刺瘡痛不可忍者方

葱白一把水三升煮數沸漬洗瘡上痛即止亦治因水入瘡

痛翼深師同出第二十六卷中

古今錄驗療金瘡止痛牡蠣散方

牡蠣二分 石膏一分

右二味下篩以粉瘡痛即止出第三十四卷中

金瘡生肌方四首

廣濟療金瘡生肌破血補勞消瘡輕身紫葛湯方

紫葛三握細剉之以順流河水三大升煎取一升二合去滓空腹分三服若冷以酒一大升水二升和煮取一大升無忌出第六卷中不利

范汪療金瘡內塞止痛生肌肉散方

當歸

甘草

肉蓯蓉

芍藥

芍藥

蜀椒

吳茱萸

乾薑

桂心

白及

黃耆

厚朴

人參

右十三味等分擣為散以酒飲服一方寸七日三服忌

如前方海藻菘菜生葱等

又療金瘡生肌白膏方

白芷

一斤

乾地黄

一斤

芍藥

一斤

甘草

半兩

當歸

白欬

附子

各十八

蜀椒

二合

右八味咬咀以豬脂五斤合煎三上三下藥成去滓塗

瘡上日再忌同前方

出第九十五卷中

古今錄驗療金瘡生肌散方

甘草

一斤

黃蘗

八兩

當歸

四兩

右三味擣末以封瘡上日再

出第三十四卷中

金瘡去血多虛竭內補方二首

十金療金瘡去血多虛竭內補方

當歸 三分
芍藥
細辛 各五分
乾薑 三分
甘草 二分
右五味為散以酒服方寸七日三夜一忌同前方
海藻松葉等藥
六卷中

古今錄驗療金瘡去血多虛弱內補方

通按 此即前 范汪止 痛生肌 方但冬 黃芩桑 皮諸日

蜀椒 二分汗去 乾薑 二分
薤蓉
甘草 炙
芍藥
當歸
芫蕪
桂心
黃芩
人參
黃耆
厚朴 炙
吳茱萸
桑白皮
右十四味搗散以酒服方寸七日三
一方有白及無桑白皮千金翼同出

第三十四卷中

金瘡中風方八首

肘後療金瘡中風方

蜀椒量瘡大小用麩作餽飽瘡灰中炮令熟及熱開
一小口當瘡上掩之即引風出可多作取差
備急小品同出

必効療金瘡中風角方及

取杏人碎之蒸令餽餽絞取脂服一小升許兼以摩瘡上即差

又方

通按 餽音溜 餽音日

取蒜一大升，破去心，以無灰酒四升，煮蒜令極爛，煎滓服一大升以來，須臾汗如雨出，則差。

又療口噤不能語方。

蔓菁子淨洗一升，搗令細，粘手撮為炷，以灸瘡上一兩度，熱徹即差，兼服後方。

又療因瘡著風方。

雞糞一合，烏豆二升，皴令淨，二味相和，於罇中熬令焦黑，及熱瀉出，以酒二大升淋之，與服，隨多少令盡。取汗差，如無汗更作服。

又療因瘡著風，角弓反張方。

取葇帶根可瘡大小，截令平，如無大者，並縛數根，稱瘡以為限，猪脂一大合，鹽末一雞子黃大，和膏於火上溫之，令膏鹽相得，不用過熱，熱即傷肉，以煖得炷瘡上，冷即易之，為兩炷於罇中燒之，更相用以差止驗。

又方。

生雞子烏麻沙^油二味合煎，稍稠，待冷以封瘡上。

古今錄驗，療金瘡得風，身體強，口噤不能語，或因破打而得，及斧刀所傷，得風臨死，總用此方，無有不差。瓠瓢燒麻燭熏之方。

取未開瓠瓢一枚，柄者開其口，隨瘡大小開之，令瘡相當，可繞四邊，寒勿使通氣，上復開一孔，如盤口，取浮麻子燭兩，並然瓠瓢向上，燭盡更續之，不過半日，即差，若不，亦可經一兩日，熏之以差為度。若燭長不得內入，瓠瓢可中折用之。出第三十四卷中

諸瘡中風寒水露方五首

文仲云：凡以八九月刺手足金瘡及諸瘡中寒露水冷毒，皆殺人，不可輕也。療之方

生竹若桑枝兩條，課得一物，鬱鬱為推引之，之正以頭燭火中令極熱，斫斷，炷瘡口中，熱氣盡，更易一枚，盡一枚，則瘡當爛，乃取薤白搗，以

綿裹著熱灰中，使極熱，去綿，以薤白薄瘡上，布帛急裹之。附後千金同

又療若已中水及惡露風寒腫痛方

以鹽數合，急押著瘡上，以火炙之，令熱達瘡中，畢以臘內竹管插熱灰中，令焯，以滴入瘡中，即便愈。若無鹽，用薤白，但單用臘亦良。附後同，出第五卷中

備急療諸瘡中風寒水露腫痛云：因瘡而腫者，皆中水及中風寒所作也。其腫氣入腹，則殺人。方

燒黍糠，或牛馬乾糞，桑條，多烟之物，掘地作坎，於中燒之，以版掩坎上，穿版作小孔，以瘡口當孔上，熏

之令瘡汗出盡乃止又滴熱蠟瘡中佳集驗附後文仲同

又方

以桑灰汁温之以漬瘡大良姚云神驗附後千金同出第十八卷中
近効療瘡因水入疼痛方

取生葱一束搗以脚踏上須臾更著之差李諫議房給事錄試効
被刀箭傷方一十一首

劉涓子療金瘡箭在肉中不出方

半夏三兩洗 白飲三兩

右二味下篩以酒服方寸七日三淺者十日出深者二十日出終不在肉中附後千金文仲小昂同出第三卷中

附後瘳卒被毒箭方

搗藍青絞取汁飲之並薄瘡上若無藍取青布漬之絞取汁飲之亦以汁淋灌瘡中附後范汪文仲備急千金同

又方

煮藕取汁飲之多多益善附後文仲備急同

又方

但多食生葛根自愈或搗生葛絞取汁飲之乾者煮取飲之小昂千金集驗備急文仲同

又方

乾薑鹽等分搗末敷瘡上毒皆自出范汪附後備急同一作乾葛

通按本草葛根

小臺必要

二十九卷

云

經餘居

大明 外臺 壽箭 云晉 傷則 包則 若生 則許 解毒 後方 用之

又凡毒箭有三種交廣夷俚用焦銅作鏃次嶺北用諸蛇
蟲毒螫物汁著管中漬箭鏃此二種纔傷皮便洪腫沸爛
而死唯射猪犬雖困猶得活以其噉人糞故也人若有中
之便即食糞或絞瀉取汁飲之并以塗瘡上須臾即定不
爾不可救也又一種是今之獵師射麋鹿用射罔以塗箭
鏃入中之當時亦因頓著寬處者不死若近胃腹亦宜急
療之今葛氏方是射罔者耳

牡丹 一分 白飲 二分

右二味搗末以溫酒服方寸匕日三服肘後自出肘後急千金

同出第九卷中

小品療被毒箭傷方

雄黃末敷之愈當沸汁出即此方亦療蛇毒

又方

食麻子數升愈搗飲其汁亦佳肘後范汪千金同出第十卷中

集驗療毒箭方

以鹽滿瘡中灸鹽上三十壯肘後同

又方

煮蘆根汁飲一二升范汪小品同一云煮薑汁飲二

又療刀箭瘡有血不止方

小經必要

二十九卷

元

經餘居

以小兒矢塗封之三日即差並不傷人出第九卷中
竹木刺不出方一十六首

劉涓子竹木刺不出方

鹿角燒灰末以水和塗之立出久者不過一夕集驗文仲
備急肘後范汪古今錄驗深師同出第三卷中

肘後療竹木刺不出方

取羊糞燥者燒灰和脂塗之刺若未出重敷之集驗
千金備急深師同一云用乾羊糞末
傳乃不覺刺出

又方

嚼白海塗之集驗千金同

又方

王不留行末服之並敷上即出集驗文仲深師千金

又方

擣烏梅水和塗之刺上立出千金用白梅並出第三

深師療刺不出方

以鹿腦厚敷上燥復易之半日即出出第二十九卷

集驗療刺藏在肉中不出方

用牛膝根莖合擣以敷之即出縱瘡合其刺猶自出
肘後備急文仲范汪深師千金同出第九卷中

千金療刺在人肉中不出方

煮瞿麥汁飲之、日三、立出、

又方

溫小便瀆之、次日即出、

又方

白茅根燒末、以膏和塗之、亦主諸瘡因風致腫、肘後同

又方

薺微燒灰、以水服方寸匕、日二度、十日刺出、

又方

燒鑿柄柄為灰、酒服二方寸匕、日三度、其刺即出、

又方

酸棗核燒末服之差、

又方

頭垢塗之、並出第二十六卷中

文仲療竹木刺不出方、

刮象牙屑、水和塗刺上、立出、肘後范汪備急深師同出第八卷中

救急療竹木刺傷方、

嚼豉封之、立差、千金肘後同出第九卷中

狐尿刺方二首

千金翼論允諸螳螂之類、盛暑之時、多有孕育、遊諸物上、必有精汁、其汁乾久、則有毒、人手觸之、不疑之間、則成其

疾故曰狐尿刺日夜慘痛不識眠睡百方療不能差方

但取蒲公葉英莖葉根斷之取白汁塗令厚一分即差

神驗出第二十四卷中

肘後療狐尿棘刺人腫痛欲死方

以熱桑柴灰汁漬之冷復易永差備急崔氏同出第八卷中

狐刺方五四

崔氏療狐刺方

取好鼓心以足為限但覺被刺即熟嚼鼓以薄之少頃看鼓中當見毛不見又速嚼鼓數薄之以晝夜勿絕但以毛盡便愈

又方

熟搗杏人細研煮一兩沸承熱以浸刺處數數易之

大良古今錄驗同

集驗療狐刺方

熱魚汁灌瘡中

備急療狐刺方

以熱臘灌瘡中又烟熏之令汁出愈此狐所溺之木

猶如蛇螫也肘後小品文仲同出第八卷中

必效主狐刺痛如鳥啄者方

生括櫟香鼓二味等分搗之為餅敷患處乾即易之

效。良家方出第六卷中。

惡刺方三首

千金翼療惡刺方

五月蔓菁子搗末和烏牛乳封之無烏牛但是牛乳亦得。本方云人乳亦得出第二十四卷中。

古今錄驗療惡刺方

取未煮餅油脂以麩和油調須臾著瘡上即愈。一二蔓菁根和粉以麩和油。

又方

取麩末和獨頭蒜搗之搗如帽蓋頭許內瘡孔中蟲出即差。出第三十五卷中

灸瘡方四首

肘後論曰允灸不依明堂脉穴或是惡日神惡時殺病人年神人神所犯天地昏暗日月無光又積陰沉及灸日食毒物方畢或多觸犯房室等其灸瘡洪腫發作疼痛病人加甚灸者疾本不痊增其火毒日夜楚痛遇其允愚取次亂灸此皆因火毒傷藏即死矣今用方療之

栢白皮三兩 當歸一兩 薤白一握 虎口切

右三味切以猪脂一升煎三上三下以薤白黃錢去滓以塗瘡上亦療風水中瘡火瘡。出第三卷中

集驗療灸瘡痛腫急方

小經必

二十九卷

三

經余

燒竈中黃土末之，以水和，煮令熱，以漬之。深師千金肘後同。
又療灸瘡，薤白膏生肌肉止痛方。

薤白

當歸

各二兩

白芷

一兩

髓

一斤

右四味，以羊髓煎，白芷色黃，藥成去滓，以敷瘡上。傳
日二。肘後千金文仲同，出第八卷中。

千金療灸瘡方

甘草

炙

當歸

各一兩

胡粉

六分

一作胡麻

羊脂

六分

右四味切，以豬脂五合煎之，去滓，以敷瘡上。忌海藻菘菜。出第二十六卷中。

灸瘡膿不差方三首

小後療灸瘡膿不差方

白蜜

一兩

烏賊骨

一兩末

右二味相和，以塗之。千金同。

千金療灸瘡膿壞不差方

臘月豬脂

一斤

薤白

切一升

胡粉

一兩

右三味，先煎薤白，令黃去之，綿裹石灰一兩，更煎去之，入胡粉，令調敷之。日三。傳

又方

石灰一兩末，細絹篩，以豬脂和相得，微火上煎，敷沸。先以煖湯洗瘡訖，以布裹灰，熨瘡上，三過，便以藥貼。

瘡上灸之傳又搗薤敷之傳肘後同出第二十六卷中

火燒瘡及火油天火瘡方三首

集驗凡被火燒者初慎勿以冷水冷物並井下泥火瘡得冷即熱氣更深轉入至骨爛壞人筋攣縮者良由此也又療卒被火燒苦劇悶絕不識人方

取新熟小便飲一升及冷水和蜜飲之口噤不開者可拗開灌之其悶差然後療外乃善千金古今錄驗第八卷中

千金療火瘡方

未熬麻油和梔子八末塗之唯厚為佳已成瘡者飾

白糖灰粉之即差出第二十六卷中

近効療火油及天火瘡初出似沸子漸漸大如水泡似火燒瘡赤色熱愈翁須臾浸傳活漸多急速者是也方

芸薹菜不限多少搗絞取汁芒硝消大黃生鐵衣各等分搗大黃末相和芒硝等以芸薹汁調如稀糊以秃筆點藥敷瘡上乾即再點頻用極有效闡師云芸薹冬月煮取汁洗亦可

火灼爛壞方五首

劉涓子療火燒人肉爛壞麻子膏方

麻子一合碎取人栢白皮 山梔子碎 白芷

甘草 各一兩 柳白皮 一兩

右六味咬碎以猪脂一升煎三上三下去滓以塗瘡上
日三出第三卷中

集驗療火爛瘡膏方

栢白皮 生地黄 研各四兩 苦竹葉 甘草 各四兩

右四味切以猪脂一斤煎三上三下藥成濾去滓以摩
瘡上日再摩 千金無地黃深師千金劉涓子范汪同出第八卷中

千金墮火灼爛瘡方

榆白皮熟臛封之差

又火瘡敗壞方

栢白皮切臘月猪膏合淹相和煮四五沸色變去滓
塗瘡 范汪同出第二十六卷中

又方

栢白皮 生地黄 黃芩 蛇銜

梔子 苦竹葉 各一兩

右六味切以羊髓半升煎之三上三下去滓塗瘡上差
湯火所灼未成瘡及已成瘡方一十一首

肘後療湯火所灼未成瘡者方

取煖灰以水和習習爾以敷之亦以灰汁洗之

又方

外臺秘要 黍米 女炮 分等

右二味各異熬令黑如炭擣下以雞子白和塗之良

又方

取菰蔣根洗去土燒灰雞子黃和塗之

又方

取柳白皮細切以猪膏煎以塗之以柏白皮彌佳凡此以上三方皆能止痛疾仍不成瘡也

又方

以小便漬洗之

又方

通按 菰即今 菰草又 名蔣草 雞子黃 當是雞 子白

以苦酒和雄黃塗之

又若已成瘡者方

以白蜜塗瘡上取竹幕幕貼之日三出第七卷中

范汪療湯火灼瘡方

破雞子取白塗之附後同

又方

以豆醬汁塗之附後文仲同並出第二十一卷中

備急療湯火灼瘡方

柳皮燒灰如粉敷之附後同

又方

五字紙裂

外臺秘要

二十九卷

經餘居

猪骨和米粉塗之，日五六遍，良。此二方既令不痛，又使速愈，又無癩痕。已試有效。附後同，出第八卷中。

湯火瘡無問大小方四首

崔氏療湯火瘡無問大小秘要方

取狗毛碎剪，烱膠和之，以遍封瘡上，一封之後，比至痂落亦不痛。救急同，出第五卷中。

文仲療湯火瘡無問大小秘要方

新熟牛糞塗之，良。崔氏同，出第十七卷中。

救急療湯火瘡無問大小秘要方

取粟熬令焦黑，投水中攪之，良久瀉取汁，重煎如糖。

以敷瘡上，並滅痕。崔氏同。

又方

取黍米煮粥，和雞子白敷瘡，良。並出第五卷中。

湯火爛瘡方五首

肘後療湯火爛瘡方

取石膏搗末，以敷之，立愈。古今錄驗同，出第三卷中。

備急湯火灼爛方

白欬末塗之，立有效。

又方

以竹中蠹蟲末塗之，良。

外臺秘要 卷之八 新會

又方 石灰末以水和塗之乾即易之出第八卷中

古今錄驗療湯火爛方

取商陸根搗末以粉瘡上出第四十卷中

湯煎膏火所燒方四首

肘後療為沸湯煎膏所燒火爛瘡方

丹參細切以羊脂煎成膏敷瘡上千金備急文仲集驗同

又方

熟搗生胡麻如泥以厚塗瘡上並出第七卷中

集驗被湯火熱膏所燒不問大小梔子膏方

梔子三十枚

白欬

黃芩各五兩

右三味切以水五升麻油一升煎令水氣竭去滓冷之

以淋瘡令溜去火熱毒肌乃得完也作二日任用膏塗

湯散治之千金并撰古今錄驗小品同出第八卷中

交仲燒湯煎膏所灼火焰所燒方

牛糞新者和以雞子白塗之比常用之亦不作瘡不

痛神效驗出第七卷中

漆瘡方二十七首

廣濟療漆瘡方

煮椒湯洗頻三五度又嚼糯米敷上乾即易之頻四

小臺秘要 二十九卷

五度即差忌熱麪內飲酒出第五卷中

附後療卒得漆瘡方

以雞子黃塗之乾即易之不適三五度文仲同

又方

煮柳葉湯適寒溫洗之老柳皮尤妙集驗文仲同

又方

取生鱗黃塗之

又方

煮香薷以漬洗之深師古今錄驗同

又方

濃煮鼠查莖葉洗之亦可搗取汁以塗之集驗千金同赤瓜木也

又方

嚼秫米以塗之

又方

以造酒小麴搗末以粉之乾即以雞子白和塗之良

又方

接慎火草若雞腸草以塗之漆姑草亦佳深師千金同

又方

以羊乳汁塗之千金翼深師同

又呪漆法畏漆人見漆便漆著之

鼠查今山查也赤瓜木乃其木名

唾之曰漆奕丹陽漆無弟無兄漆自死丹止二七須
鼠傷三唾之又呪三遍止則不復生瘡也出第四卷中

剛繁療漆瘡方

取蓮葉乾者一斤以水一斗煮取五升洗瘡上日再
肘後崔氏文仲千金同

又方

芒硝五兩湯浸洗之肘後千金翼深師同出第九卷中

千金療著漆洗湯方

取磨石下滓泥塗之取差止大驗翼同

又方

礬石著湯中令消以洗之翼肘後同出第二十六卷中

千金翼療漆瘡方

貫衆搗末以塗之良乾以油和塗之集驗文仲肘後同

又方

取猪膏塗之文仲刪繁千金同

又方

宜噉肥肉集驗深師千金同

又方

嚼糝穀塗之出第十九卷中

崔氏療漆瘡方

頻以鹽湯洗之，大良。

又方

以馬尿洗之，差止。

備急療漆瘡方

檇韭根如泥塗之，煮薤葉洗之佳。肘後深師崔氏同

又方

取蟹檇以塗之，最妙。或以水浸之，取水數數洗之，亦效。

救急療漆瘡方

以鐵漿洗之，隨手差，頻為之妙。出第八卷中

必効療漆瘡方

取漆七菰始草檇汁二分，和芒硝消一分塗之。若無芒硝，即朴硝最妙，炙韭熨之効。

又方

濃煮杉木汁洗之，數數用，即除。小兒尤佳。出第四卷中

古今錄驗療漆瘡方

黃櫨木一斤，剉鹽一合，二味以水一斗，煮取五升，去滓，候冷以洗之，即差。王長華家神方，出第四十三卷中

論曰：此疾雖小有著者，遍身頭面似癩癩，浮腫生瘡痛痒，毛髮脫落，心煩恍惚，不得眠睡，因療之遲，遂為他疾，或便

通按黃櫨即桑黃也。櫨木也。

成風癩亦可畏也

侵淫瘡方七首

肘後瘡卒得侵淫瘡轉時有汁多起於心不早療之繞身周匝則能殺人方

以雞冠血塗之良

又方

取牛糞新者絞取汁以塗之亦燒煙熏之

又方

胡鷲窠末以水和塗之文仲備急同

又方

取鯽魚長三寸者以少豉合搗塗之亦療馬鞍瘡若先起四肢漸向頭面者難療也又取鯽魚油煎去魚塗之文仲備急同出第四卷中

集驗瘰癧卒毒氣攻身或腫或赤痛或痒并分散上下周匝煩毒欲死方

取生鯽魚切之如鱗以鹽和搗遍塗瘡上乾復易之薄之若通身即多作此為侵淫瘡也備急同出第八卷中

古今錄驗瘰癧侵淫瘡苦瓠散方

苦瓠 一兩 蛇皮 半兩 露蜂房 半兩 大豆 半升

梁上塵 一合

右五味為散以粉粥和塗紙貼赤處日三甚良
又療侵淫瘡戎鹽散方

戎鹽二分 大黃四分 簡茹一分

右三味擣散以酒和敷瘡上日三良

月蝕瘡方一十二首

廣濟療月蝕瘡方

白死青蛙一枚 母猪蹄一枚 甘草末 枚月杖燒灰

右四味等分蜜和塗瘡上日二差止

又方

五月五日乾蝦蟇一枚 石硫黃一兩 礬石一兩 熬

右三味為散以敷瘡上日二差止小兒耳後瘡同用並出第五卷中

肘後療大人小兒卒得月蝕瘡方

五月五日蝦蟇灰以猪膏和塗之差止文仲備急集驗同

又方

於月望夕取兔兎矢仍內蝦蟇腹中合燒為灰末以敷

瘡上差止集驗崔氏同 崔氏云兎矢七枚

又方

取蘿摩草擣末塗之差

又方

燒蜚蜋矢令赤末以猪膏和敷之文仲備急千金古今錄驗同

又云此瘡多在兩耳上及七孔邊隨月死生故名月蝕瘡也世言小兒夜指月所為實多著小兒也文仲備急同

又方 水銀 黃連末各二兩 胡粉熬 松脂各一兩

右四味相和合研水銀消以塗瘡瘡如乾以臘月猪脂和先以鹽湯洗拭然後敷之傳出第十六卷中

集驗療月蝕瘡方

枚月蝕鼓皮如手許大一片以苦酒三升漬一宿以塗瘡上或云燒作灰脂和敷之傳崔氏同

又方

虎頭骨二兩碎 浮萍屑一兩

右二味以猪脂一斤煎取骨黃成膏以塗瘡上崔氏同

又方

茱萸根 地榆根 薔薇根

右三味各等分為散作湯洗瘡取藥塗瘡上日三崔氏同

又方

然燭照瘡使燭熱氣相及瘡即愈崔氏古今錄驗同並出第九卷中

千金翼療月蝕瘡惡肉方

班猫翅去足熬 石硫黃 薏苡各一兩末

右三味擣篩以塗瘡上如瘡乾以猪脂和塗之日三出

代指方一十一首

小品代指者其狀先腫痲痲熱痛色不黯黑然後綠瓜甲邊結膿刺者瓜皆脫落亦謂之代指病也

又代指無毒正條人筋骨中熱盛撮結故耳吳人名遭指野夫名為土盧即皆是代指疾也療方

單煮甘草汁漬之或用芒硝湯漬之搗青菜汁搗之但得一種浸搗之即差千金同

肘後療代指方

以猪膏和白善敷之數易差止深師千金翼同白善一作曲

白聖俗謂白土粉者是

又方

以指刺炊上熱飯中七遍文仲集驗深師千金范注

又方

取梅核中人熟搗以淳苦酒和敷之須臾差止文仲

又指忽掣痛不可忍方

灸指頭痛處七壯愈千金同

又指端忽發瘡方

燒鐵令熱勿令赤以灼之上二方俱主代指並出第五卷中

千金翼療代指方

先刺去膿灸鮓皮令熱以裹縛指令周匝痛即止便

通按鮓是鮓

魚皮也
作鮮中
當是所
用斜皮
而皮此
魚鱗

愈千金同出第二十三卷中

崔氏論代指者是五藏之氣使然流注於十二源經脈熱衝手指不還即代指也

當取熱湯急漬之即出使滿七度便以冷水中浸之訖又復浸之如此三度即塗羊膽愈未成膿此方甚効或以猪膽盛代指纏之差本方云訖乾封桂木便愈出第四卷中

備急療手指忽腫痛不已者名為代指方

和泥泥指令遍周匝厚一寸許以熱灰中炮之令燥視皮皺即愈不皺者更為之良文仲深師范汪同

又方

取梁米粉鐵錙中熬令赤以衆人唾和之塗上令厚

一寸即消

又方

小便和鹽作泥厚裹之數易差鑿針刺血出最妙出

五卷中

甲疽方五首

崔氏夫甲疽之為病或因割甲傷肌或因甲長侵肉成瘡腫痛復緣靴窄研損四邊腫爛黃水出侵淫相染五指俱爛漸漸引上脚跌泡漿四邊起如火燒瘡日夜倍增萬醫所不能療之方

綠礬石五兩形色似朴消而綠色

右一味置於鐵版上聚炭封之以囊袋吹令火熾即沸
流出色赤如融金看沸定汁盡去火待冷收取按為末
色似黃丹先以鹽湯洗瘡拭乾用散敷瘡上唯多為佳
著藥訖以軟綿^帛纏裹當日即汁斷瘡乾若患急痛即塗
少酥令潤每日一遍鹽湯洗濯有膿處則洗使淨其痂
乾處不須近每洗訖敷藥如初似急痛即塗^酥五六日
即覺瘡上痂漸剝起但依前洗敷藥十日即瘡漸漸擱
剝痂落軟處或更生白膿泡即^捺破敷藥自然摠差神
驗無比刑部張侍郎親嬰此病卧經六十餘日因頓不

復可言在京眾醫並經造問皆隨意處方了無効驗唯
此法得効如神今故錄之以貽好事者出第五卷中

救急療甲疽方

屋上馬齒菜

崑崙青木香

印成鹽

右三味各燒成灰並等分又取光明砂少許於諸藥中
拌摠犯下篩為細散以敷瘡上乾即易之以差止當瘡
未差以前不宜食雞猪魚肉腥穢酒蒜等差後仍三十
日^慎之出第九卷中

必効療甲疽赤肉生甲邊上暴甲者方

取瓜州礬石燒令沸定未敷之濕即刮却更著日數

通按
鑿黃黑
者名雞
屎礬

易即消散寶宣城綽云効亦主雜瘡有蟲有黃水若
得吳白礬石亦佳若無雞矢礬亦好

又療甲疽瘡腫爛生脚指甲邊赤肉出時差時發者方

黃耆 二兩
藜蘆 三兩

右二味切以苦酒浸一宿以猪脂五合微火上煎取五
合絞去滓以塗瘡上日三兩度其息肉即消散

出第四卷中

近効療甲疽瘡神妙方

熏黃 堅好者 蛇皮 燒灰

右二味等分更和研之右先以温泔清浸洗瘡令軟以
尖刀子刮去甲角入肉處裏乾取藥棗栗許大以敷瘡

上用軟綿裹之半日許藥濕即易之一日許即永除其

先痛者敷藥訖一飯頃即宜痛定差訖一二日勿著窄

靴鞋若能斷酒及猪雞魚蒜麪等其効愈速其藥不過

三四度永差易蕭十四郎中有効

肉刺方二首

古今錄驗療肉刺方

好薄刮之以新酒醋和羊腦敷之一宿洗去常以綿

裹之良薦出第四十一卷中

近効療肉刺方

以黑木耳取貼之自消爛又不痛宜以湯浸先微刮去者木耳軟

通按
戰音軍
折裂也

乃用之

手足皸裂方五首

深師療手足皸裂方

蜀椒四合汗以水一升煮之七沸去滓漬之半食

頃出令燥須臾復浸塗羊猪髓腦尤妙范注同出第

集驗療手足皸裂血出痛方

勝玉切又作療子

若涉冰霜凍面及手足皸裂取麥棗濃煮汁及

熱以浸洗之即差

足中寒瘡也下同

又方

取葱葉萎黃及籜煮以漬洗之范注同

通按
凍竹卓
上音手
足中寒
瘡也

又療人脚無久夏常坼裂名曰尸脚此因履踏洗尸水及惡物故也方

取雞屎一升以水二升煮數沸待小冷以漬脚半日

不遇三四度差深師千金范注同出第九卷中

千金療手足皸裂血出疼痛方

猪脂著熱酒中以洗之即差深師集驗同云無酒用湯亦佳出第二十四卷中

手足逆臚及瘰癧方二首

范注療手足指逆臚方

真珠一分 乾薑二分

右二味搗末以塗瘡指上日三千金深師同

通按
臚音臚
逆臚指
申後所
起細皮
俗名到
刺前肉
刺疑是
一類方

中真以
千人
青珠

外臺秘要

深師療冬月冒涉凍凌面目手足瘰壞及始熱痛欲瘰者

蜀椒 二分
芎藭 二分
白芷
防風 各分

薑 一分
作鹽

右五味以水四升煎令濃以洗之出第二十九卷中

流目方一十九首

肘後療流目方

月晦日夜於廁前取汝草二七莖莖研別二七過粉流
目上訖呪曰日今日月晦流驚或明日朝乃棄弃勿反顧
之

通按
流音錄
視目
上贅腫

又方

取亡人枕若席物以二七拭之亡人近彌易去也並

出第五卷中

集驗療去流目方

七月七日以大豆一合拭流目上三過訖使病流目
人種豆著南向屋東頭第二雷中豆生四葉以熱湯
沃殺流目便去矣千金附後范注同

又方

取松柏脂合和塗其上一宿即不知處千金同

又方

二十九卷

經餘

作艾炷著疣目上灸之三炷即除范汪千金同

又方

以石硫黃突疣目上六七過除千金同

千金去疣目方

取月十五日月正中時望月以秃條苦帚掃疣目上三

七遍差止

又方

以猪脂措拜處措之令少血出即差神驗不可加也

又方

以苦酒漬石灰六七日取汁點疣上小作瘡即落

又方

杏仁燒令黑研如膏塗之令差止

又方

以牛涎數塗之自落並出第二十四卷中

崔氏疣目方

取月盡日平旦井花水月生一日煮作湯竈突北面南自洗呪曰日盡水月初湯竈突北干疣死百疣亡凡七度洗及呪甚良

又方

先布紙一張於牀上即以筆點疣一下還點紙一下

通按
突疣日
普濟方
作臘紙
卷點焯
之

無問多少皆一一點每點即呪曰紙亦爛疣亦散點
一遍訖乃深埋點紙於屋溜下久當疣散

又方

以蜘蛛網絲洗濕之自落良

又方

盜取一酸酒醋以摩疣上呪曰疣疣不知羞一酸酒
醋洗你頭急急如律令呪滿七遍久即自愈並出第
四卷中

張文仲療手足忽生疣目方

葫蘆赤子拔使壞疣目上塗之即去亦令以
范汪同

又方

以鹽塗疣上令牛舐之不過三度出第五卷中

近効療疣子法

以墨塗之不過五度即差

又方

以屋溜下水塗疣上常給事方

去黑子方二首

集驗去黑子及贅方

生藜蘆灰五升 生薑灰五升 石灰二升半

右三味合和令調蒸令氣溜取甑下湯一斗從上淋之
盡湯取汁於鐵器中煎減半更闢火煎以雞羽搗中即

然斷藥成欲去黑子疣贅先小傷其上皮令裁破以藥點之此名三灰煎祕方古今錄驗范汪同出第九卷中

救急去黑子方

夜以煖漿水洗面以布指黑子令赤痛挑動黑子水研白楠檀取濃汁以塗黑子上且又復以煖漿水洗面仍以鷹屎粉其上出第三卷中

疣贅疵黑子雜療方六首

深師灰煎療瘤贅癩痕疵瘰及癰疽惡肉等方

石灰一斗五升 濕桑灰四斗 柞櫟灰四斗

右三味合九斗五升以沸湯令浥浥調濕內甕中蒸之

翦

通枓 胡脉疑 是頸脉

通按 速讀子 一本作

從平旦至日中還取釜中沸湯七斗合甕三淋之澄清內銅器中煎令至夜斟量餘五斗汁微火徐徐煎取一斗洗亂髮乾之如雞子大內藥中即消盡又取五色絲剪如韭葉大量五寸著藥中亦消盡又令不強藥成以白鬚子中貯之作藥時不得令婦人小兒雞犬臨見之灰煎亦療瘤驗其肉瘤石瘤藥敷之皆愈其血瘤瘤附左右胡脉及上下懸癰舌本諸險處皆不可令消消即血出不止殺人不可不詳之

又療疣贅方

取速讀子熟時壞破之以塗其上便落並出第二十卷中

千金療皮中紫赤疵痣醫穢方

連續子
普濟方
中用續
隨子末
知是否

乾漆 熬

雌黃

礬石

各三兩熬

巴豆

五十枚去心

炭皮 一斤

雄黃 五兩

右六味為散以雞子白和塗故綿貼病上日二易之即除深師加莽草三兩餘同出第二十四卷中

又療疣贅疵痣方

雄黃

硫黃

真珠

礬石

熬

商茹

巴豆

去皮心

藜蘆

各一兩

右七味為散以漆和令如泥以塗貼病上頃成瘡及去面上黑子點之即去深師同出第二十四卷中

古今錄驗療黑子去疣等五灰煎方

石灰

胡藿灰

桑灰

炭灰

草灰

各一升

右五味以水溲蒸令氣匝仍取釜中湯淋取清汁五升許於銅器中東向籠煎之不得令雞犬小兒女人穢者見之膏成好凝強如細沙糖即堪用量以點封之出第五卷中

廣濟療疣贅赤黑疵痣醫穢瘡疽息肉強結瘰等神効灰煎方

炭灰三升湯拌入濕徹以熱湯漬令半日後還以湯淋之稍稍點湯不得太速下即灰汁不驗候汁下得

三二升卽內一小罐中煎令一兩沸卽別取大兩石
灰風化者爲佳恐中濕者須熬令極熟內灰汁中和
煎以杖攪之勿住手似如煎餅麪少許細細取成
膏急瀉著一瓷器中撓令冷不然須更乾燥不堪用
常候此煎十分有一分堪久停但有傷損肉色須更
變赤黑色痛如火燒狀若灸癩發焮即肉病四爲効候經二十餘日病
自然脫落無癩痕欲衝風冷遠行貼烏膏亦神効痲
亦易落瘡未差間忌小豆薑外縱有癩亦不凸出烏
膏在二十四卷中

滅癩痕方一十七首

廣濟療人面癩痕滅之方

取白雞以油脂和水煮小麥令熟純以飼雞三兩日
大肥安雞著版上作籠籠之七日莫與雞食空飼清
水七日取猪脂去脉膜切噉飼如食糞皆凝白開收
煖水取塗癩上十度平復舊欲用塗以麤葛布指微
赤離離訖然後塗之男女俱用効也

又療人面及身瘡癩不滅方

鷹白糞

爛腐骨

尿白鹹

各四分麝香

二分

傳

石四味研令如粉以葛布指令赤微離離以脂和敷之
日二度差止並出第五卷中

劉涓子大物滅癩膏方

衣中白魚

雞屎白

鷹糞白

芍藥

白欬

白蜂

等分

右藥研如粉以乳汁和塗癩上日三良出第五卷中

小兒滅癩方

雞矢白兩

辛夷四分

白附子二分

細辛二分

右四味酒浸一宿以羊脂六合微火煎三上三下去滓

傷癩以甘草湯洗訖塗之一方有桂心二分

又方

鷹屎白一兩研白蜜和塗癩上日三並出藥十卷中

千金翼凡面皯瘡癩三十年以上并冷瘡薑癩金瘡等方

斑猫

三枚去足翅

巴豆

三枚去心皮

蜜陀僧

胡粉

二兩

鵝脂

三兩

煎金紳洮沙

三兩高良薑去皮

海蛤

三兩取中前

右八味為粉用鵝脂和夜半塗之旦以甘草湯洗之差

止出第五卷中

救急滅癩方

豬脂三斤飼鳥雞令三日使盡收取白矢內白芷當

歸各一兩煎白芷令黃去滓內鷹矢白二分攪令調

塗之旦洗之千金同

又方

道按
姚音調
姚音調
去聲燒
鼎也

蒺藜子

山梔子人 各一合

右二味為散醋漿和如泥臨臥時以塗之且洗之千金同

又方

痕凸出秋冬小麥麩春夏大麥麩下篩令細以酥和封之良千金同

又方

夏以熱瓦熨冬以凍凌熨之千金同

又方

鷹矢白一兩 白魚二七枚

右二味為散蜜和塗之日三即差千金

通按 東凌即 水室中 之外也 夏以熱 冬以凍 凌熨之 千金同

又方

鷹矢白十分 白殭蠶八分

右二味研如粉白蜜和敷之日三差慎五辛肥膩生冷

物千金同

又方

臘月猪脂四升煎大鼠一枚令消盡以生布摩傷以塗之日四五過千金同並出第三卷中

必効滅癩方

禹餘糧 半夏

右二味等分末以雞子黃和之先以新布拭癩上令赤

夏以熱 冬以凍 凌熨之 千金同

以塗之勿令見風二十日滅矣十年癩無不愈平復如故救急范千金同

又癩灸瘡及金瘡凡百瘡癩能令高者平下者起方

雞屎白 鷹屎白各二分 辛夷人四分 白附子

杜若各三分 細辛二分

右六味下篩以赤蜜少少和先以布揩癩微破塗之日二差後忌五辛小豆油膩及酢飲酒等若慎口味如大小淺深無不差一本無杜若有杜心並出第四卷中

古今錄驗療面上癩滅之方

白僵蠶一兩 珊瑚一兩 白芷一兩 雞矢白一兩

朱砂一兩

右五味搗蜜和敷之尤良

又方

木蘭香一斤以三歲米醋浸令沒百日出暴乾搗末以塗之一方用醋漿水浸百日出暴乾末服方寸七日再出第三卷中

右校功郎充兩浙東路提舉茶鹽司幹辦公事張是

重訂唐王燾先生外臺秘要方第二十九卷終

